





Bosna i Hercegovina
Regulatorna agencija za komunikacije
Босна и Херцеговина
Регулаторна агенција за комуникације
Bosnia and Herzegovina
Communications Regulatory Agency



Broj: 07-07-14-191-6/26
Sarajevo, 25.05.2026. godine



Bosna i Hercegovina
Federacija Bosna i Hercegovine
Skupština Kantona Sarajevo
n/r g-din. Elvedin Okerić, predsjedavajući skupštine Kantona Sarajevo

PREDMET: Odovor na zastupničko pitanje
Veza: Dopis broj: 01-04-644-43/26 od 12.05.2026. godine

Poštovani,

Regulatorna agencija za komunikacije (Agencija) je, dana 19.05.2026. godine, zaprimila Vaš dopis broj i datum veze, sa pitanjem zastupnice Sebiye Izetbegović povodom, kako se navodi, „činjenice da je tokom 2026. godine u dva navrata došlo do pomijaranja termina emitovanja centralne informativne emisije Dnevnik TVSA“.

S tim u vezi, u odgovoru na postavljena zastupnička pitanja od tačke 6. do 10., koja su upućena Agenciji, a tiču se obaveza JP TVSA vezi sa programskom šemom u kontekstu pravila Agencije obavještavamo o slijedećem:

Propisima Agencije, u konkretnom slučaju *Pravilom 100/2026 o pružanju audiovizuelnih medijskih usluga* (Pravilo 100/2026) („Službeni glasnik BiH“ broj 22/26) propisuje se način dodjele, uslovi korištenja, izmjene, prijenosa i produženja dozvola za televizijsko emitovanje, kriteriji za pružanje audiovizuelnih medijskih usluga, kao i prava i obaveza koje iz toga proizilaze.

Članom 8. Pravila 100/2026 propisuju se programski uslovi pružalaca audiovizuelnih medijskih usluga na način da programski sadržaji korisnika dozvole, tokom cijelog važenja dozvole, moraju biti u skladu s programskim uslovima dozvole, propisima Agencije, kao i drugim propisima relevantnim za oblast emitiranja.

Ostala pitanja koja se odnose na pružanje audiovizuelne medijske usluge, a koja nisu regulisana propisima Agencije, korisnici dozvola mogu urediti samostalno, kao što je slučaj sa programskom šemom, budući da navedeno pravilo, kao ni ostali propisi Agencije ne određuju posebne obaveze u vezi sa sadržajem i eventualnim izmjenama programske šeme. Pravilo 100/2026 određuje obaveznu trajanja programa, na način da program korisnika dozvole ne može trajati manje od šest (6) sati dnevno, kao i da je za svaku izmjenu trajanja programa, veću od

20%, korisnik dozvole obavezan obavijestiti Agenciju i dostaviti novu programsku šemu. U tu svrhu je i definisana programska šema na koju se ukazuje u poslaničkom pitanju.

Pored navedenog, Pravilom 100/2026 propisano je da svaka promjena programskih segmenata veća od 20% ukupnog sedmičnog programa ili potpuno ukidanje jednog ili više programskih segmenata zahtijeva prethodno pisano odobrenje Agencije, u smislu izdavanja novog Aneksa 1 dozvole.

S obzirom da Agencija nije primila obavještenje o izmjeni trajanja programa ili promjeni programskih segmenata većoj od 20%, JP TV SA nije bila u obavezi dostaviti novu programsku šemu, niti zatražiti mišljenje ili saglasnost Agencije, zbog promjene termina emitovanja. Agencija u okviru regulatornih aktivnosti procjenjuje zastupljenost programskih segmenata u odnosu na programske uslove dozvole, pri čemu izmjena termina jednog od segmenata programa, u ovom slučaju informativnog, nema uticaja na eventualne promjene uslova dozvole, koji bi zahtijevali davanje mišljenja ili saglasnosti Agencije.

S poštovanjem,



Generalni direktor

Draško Milinović

Dostavljeno:

- Naslovu
- Arhiv